



**Broj: 03-03-05-6721/15**  
**Sarajevo, 09.07.2015.godine**

Na osnovu člana 33. stav 2. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja Gorska služba spašavanja Stanica Sarajevo, Ministarstvo pravde i uprave Kantona Sarajevo d o n o s i

### **R J E Š E N J E**

1. U Rješenju Ministarstva pravde i uprave broj: 03-05-05-199/01 od 06.06.2001. godine kojim je upisano u Registar Udruženje Gorska služba spašavanja Stanica Sarajevo, pod registarskim brojem 486., knjiga I tačka 1 i 4. dispozitiva Rješenja mijenjaju se i glase:

„1. Upisuje se u Registar udruženja koji se vodi kod Ministarstva pravde i uprave Kantona Sarajevo Udruženje Gorska služba spašavanja Stanica Sarajevo. Skraćeni naziv Udruženja je: „GSS – Stanica Sarajevo, sa sjedištem u Sarajevu, Ulica Salke Lagumdžije br. 13.

4. Osobe ovlaštene za zastupanje i predstavljanje Udruženja su:  
Đozo Nedžib - predsjednik Upravnog odbora,  
Selver Ajrulahi - potpredsjednik Upravnog odbora,  
Merzić Edin - načelnik stanice."

2. U ostalom dijelu Rješenje ostaje neizmijenjeno.

3. Upisuje se u Registar udruženja kod Ministarstva pravde i uprave Kantona Sarajevo promjena organa upravljanja i Statuta Udruženja Gorska služba spašavanja Stanica Sarajevo broj: 03-05-05-626/05 od 19.04.2005. godine.

Danom ovjere Statuta broj: 03-03-05-6721/15 od 09.07.2015. godine, prestaje da važi Statut Udruženja Gorska služba spašavanja Stanica Sarajevo broj: 03-05-05-626/05 od 19.04.2005. godine.

4. Udruženje Gorska služba spašavanja Stanica Sarajevo dužno je Ministarstvu pravde i uprave Kantona Sarajevo prijaviti promjenu statuta, naziva, sjedišta, djelatnosti, lica ovlaštenog za zastupanje i predstavljanje, članova organa upravljanja, pripajanje, razdvajanje ili transformaciju i prestanak rada udruženja u roku od 30 dana od dana izvršene promjene.

5. Za izdavanje ovog Rješenja Udruženje je dužno uplatiti iznos od 100,00 KM naknade i 100,00 KM takse za upis u Registar udruženja, na žiro račun broj: 3380002210019263.

### **O b r a z l o ž e n j e**

Udruženja Gorska služba spašavanja Stanica Sarajevo, dana 26.05.2015. godine podnijelo je Ministarstvu pravde i uprave zahtjev za upis promjena u Registar udruženja, koji

se odnosi na promjenu članova organa upravljanja, sjedišta, statuta i lica za zastupanje i predstavljanje Udruženja.

Uz zahtjev (Obrazac broj 6.), koji je dopunjen 09.07.2015. godine i prijavu promjene djelatnosti, statuta i članova upravnog tijela (Obrazac br. 7.), priložena je sva potrebna dokumentacija u skladu sa Zakonom o udruženjima i fondacijama ("Službene novine Federacije BiH", broj 45/02) i Pravilnikom o načinu vođenja registra udruženja i fondacija i stranih i međunarodnih nevladinih organizacija ("Službene novine Federacije BiH", broj 61/02) i to: Odluka o usvajanju novog statuta, Odluka o razrješenju i imenovanju predsjednika i potpredsjednika skupštine, Odluka o razrješenju i imenovanju Načelnika Udruženja Gorska služba spašavanja Stanica Sarajevo, Odluka o razrješenju i imenovanju nadzornog odbora, Odluka o razrješenju i imenovanju Suda časti, Odluka o razrješenju i imenovanju osoba ovlaštenih za zastupanje i predstavljanje, Odluka o razrješenju i imenovanju članova upravnog odbora, sa popisom članova upravnog tijela (Obrazac 5.) i zapisnik sa skupštine Udruženja održane 15.05.2015. godine sa popisom prisutnih članova na skupštini udruženja i Statut udruženja.

Uvidom u priloženu dokumentaciju utvrđeno je da su ispunjeni zakonski uslovi za upis promjena u Registar udruženja, pa je zbog toga riješeno kao u dispozitivu Rješenja.

Rješenje se izdaje uz naplatu takse u skladu sa članom 19. tarifni broj 36. Zakona o administrativnim taksama ("Službene novine Kantona Sarajevo", br. 30/01- Prečišćeni tekst i 22/02, 10/15 i 26/08) i uz naknadu za upis udruženja, a shodno Rješenju o visini naknade za upis u Registar udruženja broj 03-02-312/03 od 10.01.2003. godine na žiro račun broj:3380002210019263 godine.

#### **Pouka o pravnom lijeku**

Ovo rješenje je konačno, te protiv njega nije dopuštena žalba, ali se može pokrenuti upravni spor, tužbom kod Kantonalnog suda u Sarajevu u roku od 30. dana od dana prijema ovog rješenja. Tužba se podnosi u dva istovjetna primjerka, a uz istu se prilaže i ovo rješenje u originalu ili prepisu.



Dostaviti:

1. Udruženju Gorska služba spašavanja Stanica Sarajevo, ul. Salke Lagumdžije br. 13, Sarajevo,
2. Federalnom ministarstvu pravde,
3. Zbirci isprava,
4. Porezna uprava F BiH  
Porezni ured Sarajevo, Husrefa Redžića 4, Sarajevo
5. Arhivi.



web: <http://mpu.ks.gov.ba>

e-mail: [pravda@ks.gov.ba](mailto:pravda@ks.gov.ba)

Tel: + 387 (0) 33 562-083, Fax: + 387 (0) 33 562-241

Sarajevo, Reisa Džemaludina Čauševića 1

